

Bosna i Hercegovina
Federacija Bosne i Hercegovine
Zeničko-dobojski kanton
OPĆINA VAREŠ
OPĆINSKO VIJEĆE



Broj: 01-194/18
Vareš, 31.10. 2018. godine

Z A P I S N I K
sa 19. sjednice Općinskog vijeća Vareš,
održane 30.07. 2018. godine

Adis Čizmo – predsjedavajući Općinskog vijeća Vareš, otvorio je 19. sjednicu s početkom u 16,00 sati, u velikoj sali Općine Vareš.

Izvršena je prozivka vijećnika.

Prisutni vijećnici: Ajanović Mirnes, Čizmo Adis, Fatić Ilhana, Islamović Emir, Kamenjaš Alma, Kamenjaš Kenan, Kevrić Demo, Mario Marošević. Mirčić Mario, Muftić Safeta, Muftić Anel, Mušanović Nedžad, Riđić Kruno, Romić Branko, Rožajac Elvir, Šimić Igor, Šimić Nikola i Turki Fadila.

Odsutni: Džafo Dženan.

Pored vijećnika sjednici prisustvuju: Općinski načelnik – gosp. Zdravko Marošević, sekretar Općinskog vijeća – gosp. Leon Pavlović, pomoćnici općinskog načelnika – gosp. Ermin Musa i gosp. Čedomir Jelić, ispred Službe za opću upravu i BIZ-u – gosp. Senad Dramalija, ispred JU Opća biblioteka Vareš – gosp. Ilijana Gavran-Radojević i gosp. Jasmina Šijak, predstavnici CRS-a, predsjednici političkih partija i predstavnici medija.

Sekretar OV Leon Pavlović izvijestio je Vijeće o zaključcima i odgovorima na postavljena vijećnička pitanja sa 18. sjednice OV održane 31.05.2018. godine. Na 18. sjednici doneseno je pet (5) zaključaka koji se odnose na usvajanje Izvještaja koji su bili na dnevnom redu, postavljeno je jedanaest (11) vijećničkih pitanja. Na sva pitanja usmeno je odgovorio Općinski načelnik na samoj sjednici, isti odgovori su dostavljeni i pismeno podnosiocima vijećničkih pitanja.

Općinski načelnik gosp. Zdravko Marošević u okviru aktuelne problematike na području općine Vareš za današnju sjednicu izvijestio je Vijeće o redovnim aktivnostima organa uprave i realizaciji određenih projekata. Podsjetio je prisutne da Programom rada OV nije planirano održavanje sjednice OV u augustu mjesecu, izborna je godina i vjerovatno neće biti zakazana ni sjednica u septembru mjesecu, ali ako se ukaže potreba može se održati vanredna sjednica. Upoznao je Vijeće o lošem stanju lokalnih puteva na području općine Vareš i aktivnostima na sanaciji istih. Izvijestio je Vijeće da je obavio razgovor sa potencijalnim bankama koje bi nam izašle u susret i odobrile kredit u svrhu plaćanja dugovanja bez kamata prema Poreskoj, a po Zaključku Parlamenta kojim je precizirano da je 01.05.2019. godine krajnji rok za uplatu dugovanja za doprinose bez kamata. O istom je dao pojašnjenje.

adresa: Zvijezda 34, 71330 Vareš
identifikacijski broj: 4218285300002
depozitni račun Unicredit banka:
3380002210017420

tel.: 00387 32 848 100;
fax: 00387 32 848 150;
web: www.vares.info
e-mail: vares@bih.net.ba



(Vijećnička pitanja)

Vijećnička pitanja

Kruno Ridić

1. Pitanje uputio predsjedavajućem OV. Da li se može nešto učiniti da građane naše opštine obezbjedimo ogrijevnim drvetom prije jesenskih kiša?
(o postavljenom pitanju dao je dodatno obrazloženje)
2. Pitanje uputio Općinskom načelniku. Gosp. Načelnice da li će se nastaviti saradnja sa Oružanim snagama i koliki su bili naši troškovi u dosadašnjem radu Oružanih snaga?

Elvir Rožajac

3. Da li se može nešto uraditi po pitanju čestih nestanaka električne energije u Ljepovićima?
4. Postoji li mogućnost da se na skretanju za Selište postavi ogledalo, radi lakše kontrole saobraćaja?

Anel Muftić

5. Pitanje uputio Općinskom načelniku s molbom da se obrati Načelniku policije u vezi oštećenja table koje je postavilo Udruženje mladih „Inicijativa“?
6. Pitanje uputio Općinskom načelniku i općinskim službama. Može li se u MZ Vareš Majdan na skretanju kod Partizana uraditi nešto na sanaciji i popravci puta?

Fadila Turki

7. Može li se nešto poduzeti po pitanju javnog reda i mira kod Male škole u Varešu?
8. Ko može i pod kojim uvjetima koristiti općinsku salu?

Nedžad Mušanović

9. Pitanje uputio Općinskom načelniku. Da li se nekada razgovaralo da se izvrši rekonstrukcija odnosno proširenje ceste od prodavnice „Mrkva“ do skretanja za Pogar?
(o postavljenom pitanju dao je dodatno objašnjenje)

Mirnes Ajanović

10. Šta se i koliko uradilo po pitanju uklanjanja divljih deponija u proteklom periodu i da li postoji kod aktualne vlasti, organa uprave i kabineta Načelnika neki plan i aktivnost u vezi tog problema?
11. Da li se može nešto uraditi po pitanju rasvjete u naseljima Benići i Matijevići na lokaciji od pekare Marošević prema starom silosu?

Branko Romić

12. Da li postoji mogućnost iznalaženja lokacije za okretaljku u naselju Čamilov potok?
13. Da li je nadležna služba koja je nadležna za rad sa MZ poduzela nešto po aktu koji sam uputio, a isti se odnosi na prijetnje telefonskim pozivom od gosp. iz Dragovića odnosno Mijakovića?

Općinski načelnik na postavljena vijećnička pitanja, dao je usmene odgovore na samoj sjednici.

Predsjedavajući OV stavio je na raspravu Zapisnik sa 18. sjednice OV.

Nije bilo primjedbi i predsjedavajući OV stavio je na izjašnjavanje Zapisnik sa 18. sjednice OV i nakon izjašnjavanja vijećnika konstatuje da je **jednoglasno sa (18 glasova „ZA“)** usvojen Zapisnik sa 18. sjednice OV.

Predsjedavajući OV stavio je na raspravu prijedlog dnevnog reda za 19. sjednicu OV koji je usaglašen na Kolegiju Općinskog vijeća.

Općinski načelnik predložio je da Vijeće razmatra tačku 4. „Prijedlog Odluke o usvajanju Platforme za mir 2018-2020. i Plana aktivnosti za implementaciju Platforme za mir 2018-2020. prije ostalih tačaka bez mijenjanja redoslijeda tački dnevnog reda.

Predsjedavajući OV je konstatovao da je prijedlog **jednoglasno sa (18 glasova „ZA“)** usvojen.

Predsjedavajući OV stavio je na izjašnjavanje prijedlog dnevnog reda 19. sjednice OV.

Nakon izjašnjavanja vijećnika predsjedavajući OV konstatuje da je **jednoglasno (sa 18 glasova „ZA“) usvojen sljedeći**

Dnevni red

1. Izvještaj o radu Opće biblioteke Vareš za 2017. godinu.
- Izvjestilac: Direktorica i Upravni odbor JU.

2. Prijedlog Odluke o davanju saglasnosti za zaključivanje Ugovora o zamjeni prava vlasništva na stanovima.
 - Izvjestilac: Ermin Musa.
3. Prijedlog Odluke o načinu i uslovima raspolaganja nekretninom zasnivanjem prava građenja.
 - Izvjestilac: Ermin Musa.
4. Prijedlog Odluke o usvajanju Platforme za mir 2018-2020. i Plana aktivnosti za implementaciju Platforme za mir 2018-2020.
 - Izvjestilac: Čedomir Jelić.
5. Prijedlog Dopunske Odluke o utvrđivanju povučene-obnovljene granične linije između šume i šumskog zemljišta u državnoj svojini i poljoprivrednog zemljišta u privatnoj svojini, u katastarskoj općini Daštansko, po novom premjeru k.o. Pržiči.
 - Izvjestilac: Ermin Musa.
6. Prijedlog Odluka o dodjeli općinskih priznanja Općine Vareš za 2018. godinu i to:
 - a) Plaketa s grbom Općine Vareš i
 - b) Povelja o proglašenju počasnim građaninom/građankom općine Vareš
 - Izvjestilac: Čedomir Jelić.
7. Prijedlog Uputstva o sadržaju obrasca „Evidencija stanova, poslovnih prostora i garaža“ i „Evidencija etažnih vlasnika“ koje je dužan voditi upravitelj.
 - Izvjestilac: Ermin Musa.
8. Prijedlog Programa obilježavanja 16. augusta – Dana općine Vareš.
 - Izvjestilac: Općinski načelnik.
9. Informacija o ostvarivanju osnovnih i dopunskih prava iz oblasti boračko-invalidske zaštite na području općine Vareš.
 - Izvjestilac: Čedomir Jelić.
10. Informacija o stepenu implementacije Plana upravljanja otpadom općine Vareš 2014-2019, za 2017. godinu.
 - Izvjestilac: Ermin Musa.
11. Tekuća pitanja

Ad. 4.

(Prijedlog Odluke o usvajanju Platforme za mir 2018-2020. i Plana aktivnosti za implementaciju Platforme za mir 2018-2020.)

Komisija za statutarna pitanja i propise na 12. sjednici održanoj 19.07.2018. godine jednoglasno je donijela sljedeći Zaključak:

- Komisija nema primjedbi na Prijedlog Odluke o usvajanju Platforme za mir 2018-2020. i Plana aktivnosti za implementaciju Platforme za mir 2018-2020., te je upućuje Vijeću na razmatranje.

Općinski načelnik kao ovlašten predlagač dao je dodatno pojašnjenje za ovu tačku dnevnog reda.

Otvorena je rasprava u kojoj su svoja mišljenja i stavove iznijeli vijećnici: Kruno Ridić, Fadila Turki, Mirnes Ajanović, Branko Romić, Elvir Rožajac, Mario Mirčić, Emir Islamović, Safeta Muftić i predsjedavajući OV Adis Čizmo.

Zatvorena je rasprava i predsjedavajući OV stavio je na izjašnjavanje Prijedlog Odluke o usvajanju Platforme za mir 2018-2020. i Plana aktivnosti za implementaciju Platforme za mir 2018-2020.

Nakon izjašnjavanja vijećnika predsjedavajući OV konstatuje da je **jednoglasno sa (18 glasova „ZA“) usvojena**

Odluka o usvajanju Platforme za mir 2018-2020. i Plana aktivnosti za implementaciju Platforme za mir 2018-2020.

Ad. 1.

(Izveštaj o radu Opće biblioteke Vareš za 2017. godinu.)

Otvorena je rasprava u kojoj su svoje sugestije, mišljenja, pitanja i stavove iznijeli vijećnici: Kruno Ridić, Safeta Muftić, Branko Romić i Općinski načelnik koji je u svom obraćanju zahvalio se gosp. Jasmini Šijak, bivšoj direktorici javne ustanove, na saradnji i dugogodišnjem radu.

Zaključena je rasprava i predsjedavajući OV stavio je na izjašnjavanje Izveštaj o radu Opće biblioteke Vareš za 2017. godinu.

Nakon izjašnjavanja vijećnika predsjedavajući OV konstatuje da je sa **17 glasova „ZA“ i 1 „SUZDRŽANIM“ glasom prihvaćen**

Izveštaj o radu Opće biblioteke Vareš za 2017. godinu

Gosp. Jasmina Šijak obratila se Vijeću i u svom obraćanju zahvalila se svima na podršci, Vijeću i Općinskom načelniku, i svojoj kolegici novoizabranoj direktorici gosp. Ilijani Gavran-Radojević poželjela kvalitetan i uspješan rad.

Ad.2.

(Prijedlog Odluke o davanju saglasnosti za zaključivanje Ugovora o zamjeni prava vlasništva na stanovima.)

Komisija za statutarna pitanja i propise na 12. sjednici održanoj 19.07.2018. godine jednoglasno je donijela sljedeći Zaključak:

- Komisija nema primjedbi na Prijedlog Odluke o davanju saglasnosti za zaključivanje Ugovora o zamjeni prava vlasništva na stanovima, te je upućuje Vijeću na razmatranje.

Ovlašteni predlagač nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Odluke o davanju saglasnosti za zaključivanje Ugovora o zamjeni prava vlasništva na stanovima.

Nakon izjašnjavanja vijećnika predsjedavajući OV konstatuje da je **jednoglasno sa (18 glasova „ZA“)** usvojena

Odluka o davanju saglasnosti za zaključivanje Ugovora o zamjeni prava vlasništva na stanovima.

Ad.3.

(Prijedlog Odluke o načinu i uslovima raspolaganja nekretninom zasnivanjem prava građenja.)

Komisija za statutarna pitanja i propise na 12. sjednici održanoj 19.07.2018. godine jednoglasno je donijela sljedeći Zaključak:

- Komisija nema primjedbi na Prijedlog Odluke o načinu i uslovima raspolaganja nekretninom zasnivanjem prava građenja, te je upućuje Vijeću na razmatranje.

Ovlašteni predlagač nije imao dodatno pojašnjenje za ovu tačku dnevnog reda.

Otvorena je rasprava u kojoj su svoje sugestije, pitanja, mišljenja i stavove iznijeli vijećnici: Kruno Riđić, Elvir Rožajac, Mario Mirčić, Mirnes Ajanović, Safeta Muftić, Emir Islamović i Đemo Kevrić.

Pomoćnik Općinskog načelnika Ermin Musa dao je dodatno pojašnjenje za ovu tačku dnevnog reda.

Za repliku su javili vijećnici Mirnes Ajanović i Kruno Riđić.

Općinski načelnik Zdravko Marošević iznio je svoje mišljenje za ovu tačku dnevnog reda i neke diskusije vijećnika u raspravi.

Zaključena je rasprava i predsjedavajući OV stavio je na izjašnjavanje Prijedlog Odluke o načinu i uslovima raspolaganja nekretninom zasnivanjem prava građenja.

Nakon izjašnjavanja vijećnika predsjedavajući OV konstatuje da je **sa 11 glasova „ZA“, 5 glasova „PROTIV“ i 1 „SUZDRŽANIM“ glasom** (odsutan vijećnik Branko Romić) **usvojena**

***Odluka o načinu i uslovima raspolaganja
nekretninom zasnivanjem prava građenja.***

Ad.5.

(Prijedlog Dopunske Odluke o utvrđivanju povučene-obnovljene granične linije između šume i šumskog zemljišta u državnoj svojini i poljoprivrednog zemljišta u privatnoj svojini, u katastarskoj općini Daštansko, po novom premjeru k.o. Pržići.)

Komisija za statutarna pitanja i propise na 12. sjednici održanoj 19.07.2018. godine jednoglasno je donijela sljedeći Zaključak:

- Komisija nema primjedbi na Prijedlog Dopunske Odluke o utvrđivanju povučene-obnovljene granične linije između šume i šumskog zemljišta u državnoj svojini i poljoprivrednog zemljišta u privatnoj svojini, u katastarskoj općini Daštansko, po novom premjeru k.o. Pržići, te je upućuje Vijeću na razmatranje.

Ovlašteni predlagач nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Dopunske Odluke o utvrđivanju povučene-obnovljene granične linije između šume i šumskog zemljišta u državnoj svojini i poljoprivrednog zemljišta u privatnoj svojini, u katastarskoj općini Daštansko, po novom premjeru k.o. Pržići.

Nakon izjašnjavanja vijećnika predsjedavajući OV konstatuje da je **sa 15 glasova „ZA“ i 2 „SUZDRŽANA“ glasa** (odsutan vijećnik Branko Romić) **usvojena**

***Dopunska Odluka o utvrđivanju povučene-obnovljene granične linije
između šume i šumskog zemljišta u državnoj svojini i poljoprivrednog zemljišta
u privatnoj svojini, u katastarskoj općini Daštansko, po novom premjeru k.o. Pržići***

Predsjedavajući OV dao je pauzu u trajanju od 15 minuta.

Nastavljeno je sa radom sjednice.

Ad.6.

(Prijedlog Odluka o dodjeli općinskih priznanja Općine Vareš za 2018. godinu i to.:

c) Plaketa s grbom Općine Vareš i

d) Povelja o proglašenju počasnim građaninom/građankom općine Vareš)

Komisija za statutarna pitanja i propise na 12. sjednici održanoj 19.07.2018. godine jednoglasno je donijela sljedeće Zaključke:

- Prijedlog Kolektiva OŠ „Vareš“ Vareš za Plaketu s grbom Općine Vareš za gosp. Parić Murisa i gosp. Mandić Almu kao grupu pojedinaca se neće dalje razmatrati jer je članom 2. stav 2. Odluke o dodjeli priznanja i postupku njihove dodjele broj: 01-77/12 od 29. 03. 2012. godine, propisano: „Priznanja se ne dodjeljuju izabranim i drugim zvaničnicima Bosne i Hercegovine, Federacije Bosne i Hercegovine, Zeničko-dobojskog kantona i Općine Vareš za vrijeme trajanja njihovog mandata, te direktorima i članovima organa upravljanja javnih preduzeća i ustanova čiji je osnivač Općina Vareš.“ Komisija je zauzela stav da citiranu odredbu treba analogno primijeniti i na predložene kandidate. Prijedlog nije sačinjen u skladu sa Odlukom i Javnim oglasom.
- Da se općinsko priznanje „Plaketa s grbom Općine Vareš“ dodijeli Udruzi građana „Majka Terezija“ Vareš.
- Komisija zadužuje zamjenicu predsjednice da obavi razgovor sa predstavnikom grupe građana koji su predložili gosp. Drijenčić Mladena za dodjelu općinskog priznanja „Plaketa s grbom Općine Vareš“ i da uz njihovu suglasnost, a u skladu sa članom 16. Odluke o općinskim priznanjima i postupku njihove dodjele (...“Komisija može uz suglasnost podnosioca prijedloga promijeniti vrstu priznanja za koje se kandidat predlaže“), Komisija promijeni vrstu priznanja, odnosno da se gosp. Drijenčić Mladen predloži za dodjelu „ Povelje o proglašenju počasnim građaninom/građankom općine Vareš“.
- Komisija za statutarna pitanja i propise utvrdila je Prijedlog Odluka o dodjeli općinskih priznanja za 2018. godinu:
 - a) Plaketa s grbom Općine Vareš
 - b) Odluke o dodjeli općinskog priznanja i novčane nagrade Općine Vareš za 2018. godinu.

Ovlašteni predlagač nije imao dodatno pojašnjenje za ovu tačku dnevnog reda.

Predsjedavajući OV podsjetio je Vijeće da se ova tačka dnevnog reda, odnosno Prijedlozi Odluka usvajaju 2/3 glasanjem.

Nije bilo rasprave po ovoj tački dnevnog reda i predsjedavajući OV stavio je na izjašnjavanje a) Prijedlog Odluke o dodjeli općinskog priznanja i novčane nagrade Općine Vareš za 2018. godinu. (Plaketa s grbom Općine Vareš)

Nakon izjašnjavanja vijećnika predsjedavajući OV konstatuje da je **jednoglasno sa (17 glasova „ZA“)** (odsutan vijećnik Branko Romić) **usvojena**

***Odluka o dodjeli općinskog priznanja i
novčane nagrade Općine Vareš za 2018.godinu.***
(Plaketa sa grbom Općine Vareš)

Predsjedavajući OV stavio je na izjašnjavanje b) Prijedlog Odluke o dodjeli općinskog priznanja za 2018. godinu (*Povelja o proglašenju počasnim građaninom/građankom općine Vareš*)

Nakon izjašnjavanja vijećnika predsjedavajući OV konstatuje da je **jednoglasno sa (17 glasova „ZA“)** (odsutan vijećnik Branko Romić) **usvojena**

Odluka o dodjeli općinskog priznanja za 2018.godinu.
(*Povelja o proglašenju počasnim građaninom/građankom Općine Vareš*)

Ad.7.

(Prijedlog Uputstva o sadržaju obrasca „Evidencija stanova, poslovnih prostora i garaža“ i „Evidencija etažnih vlasnika“ koje je dužan voditi upravitelj.)

Ovlašteni predlagач nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Uputstva o sadržaju obrasca „Evidencija stanova, poslovnih prostora i garaža“ i „Evidencija etažnih vlasnika“ koje je dužan voditi upravitelj.

Nakon izjašnjavanja vijećnika predsjedavajući OV konstatuje da je sa **15 glasova „ZA“ i 2 „SUZDRŽANA“ glasa** (odsutan vijećnik Branko Romić) **usvojeno**

***Uputstvo o sadržaju obrasca „Evidencija stanova, poslovnih prostora i garaža“ i
„Evidencija etažnih vlasnika“ koje je dužan voditi upravitelj.***

Ad.8.

(Prijedlog Programa obilježavanja 16. augusta – Dana općine Vareš.)

Otvorena je rasprava u kojoj je Općinski načelnik Zdravko Marošević dao kratko pojašnjenje za ovu tačku dnevnog reda i sugerisao vijećnicima da i oni predlože osobe, ustanove i sl. kojima će se uputiti poziv za prisustvovanje na svečanoj sjednici a koji su svojim radom i djelovanjem doprinijeli za općinu Vareš.

Predložio je da se 4. Svečana sjednica u povodu obilježavanja 16. augusta - Dana općine Vareš održi u sali Radničkog doma Vareš, o čemu je dao pojašnjenje.

Sekretar OV upoznao je vijećnike da se njima neće upućivati pozivnice za svečanu sjednicu koja će se održati 16. augusta (četvrtak) u 14,00 sati u sali Radničkog doma, i sve ih usmeno pozvao da prisustvuju sjednici u povodu obilježavanja Dana općine Vareš.

Zaključena je rasprava i predsjedavajući OV stavio je na izjašnjavanje Prijedlog Programa obilježavanja 16. augusta – Dana općine Vareš sa predloženom izmjenom od strane Općinskog načelnika koja se odnosi na mjesto održavanja Svečane sjednice.

Nakon izjašnjavanja vijećnika predsjedavajući OV konstatuje da je jednoglasno sa **(18 glasova „ZA“) usvojen**

Program obilježavanja 16. augusta – Dana općine Vareš.

Ad.9.

(Informacija o ostvarivanju osnovnih i dopunskih prava iz oblasti boračko-invalidske zaštite na području općine Vareš.)

Ovlašteni predlagač nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV **uz Zaključak konstatuje da je Vijeće primilo k znanju**

Informaciju o ostvarivanju osnovnih i dopunskih prava iz oblasti boračko-invalidske zaštite na području općine Vareš.

Ad.10.

(Informacija o stepenu implementacije Plana upravljanja otpadom općine Vareš 2014-2019, za 2017. godinu.)

Ovlašteni predlagač nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV **uz Zaključak konstatuje da je Vijeće primilo k znanju**

Informaciju o stepenu implementacije Plana upravljanja otpadom općine Vareš 2014-2019, za 2017. godinu.

Ad.11

(Tekuća pitanja)

Predsjedavajući OV upoznao je Vijeće sa pristiglom poštom i to:

1. Zahtjev za suradnju i traženje zajedničkog rješenja oko poštivanja javnog reda i mira, dostavljen od Ustanove za prihvatanje i odgoj djece „Mala škola“ Vareš, broj: 23/18 od 12.06.2018. godine.

U raspravi su učestvovali predsjedavajući OV Adis Čizmo i vijećnik Elvir Rožajac.

Općinsko vijeće je zadužilo Općinskog načelnika i nadležnu službu za upravu Općine Vareš, da pristupe rješavanju ovog zahtjeva i o tome izvijeste Općinsko vijeće.

2. Zahtjev za obezbjeđenje parking prostora, dostavljen od Organizacije ratnih vojnih invalida „Vareš 92“ Vareš od broj: 01/37 od 10.07.2018. godine.

Općinsko vijeće je zadužilo Općinskog načelnika i nadležnu službu za upravu Općine Vareš, da pristupe rješavanju ovog zahtjeva i o tome izvijeste Općinsko vijeće.

3. Zahtjev za sanaciju dijela puta (naselje Borak-Pržići) dostavljen od mještana Gavran Velimira i Gavran Pere 18.06.2018. godine.

Općinsko vijeće je zadužilo Općinskog načelnika i nadležnu službu za upravu Općine Vareš, da pristupe rješavanju ovog zahtjeva i o tome izvijeste Općinsko vijeće.

4. Zahtjev za sanaciju puta Žalja most – Neprivaj dostavljen od MZ Neprivaj 27.07.2018. godine.

Općinsko vijeće je zadužilo Općinskog načelnika i nadležnu službu za upravu Općine Vareš, da pristupe rješavanju ovog zahtjeva i o tome izvijeste Općinsko vijeće.

Općinski načelnik Zdravko Marošević očitovao se po zahtjevima i izjavio da će u skladu sa svojim ovlastima i mogućnostima pristupi se rješavanju istih.

Predsjedavajući OV podsjetio je Općinskog načelnika i Vijeće na Zaključak Kolegija OV koji se odnosi na stručnu i finansijsku pomoć svim mjesnim zajednicama na području općine Vareš u izradi finansijskog izvještaja MZ, a na osnovu dopisa koji je upućen svim mjesnim zajednicama od Finansijsko-informatičke agencije.

Općinski načelnik u svom obraćanju napomenuo je da predsjednici mjesnih zajednica mogu se obratiti nadležnoj službi organa uprave.

Sastavni dio ovog Zapisnika je audio zapis sjednice.

Sjednica je završena u 18,45 sati.

SEKRETAR

Leon Pavlović

**PREDSJEDAVALAČI
OPĆINSKOG VIJEĆA**

Adis Čizmo

ZAPISNIČAR

Azra Pijadžer